

Երիտասարդ արեղան տարաւ մեզ մի բաւական մաքուր եւ ճաշակով կահաւորած սենեակ եւ իսկոյն սկսեց մեզ հետ խիստ մտերմական խօսակցութիւն, թէ որտեղի՞ց ենք գալիս, ո՞ր պիտի գնանք, արդեօք պարոն բժշկապետը երկա՞ր պիտի մնայ Վանում, ի՞նչ ազգից է պարոն բժշկապետը, քանի՞ լեզու գիտէ եւ այլն: Այդ բոլոր հարցմունքները այն աստիճան անկեղծ էին, որ Ասլանը առանց ձանձրանալու պատասխանում էր նրան:

– Շա՛տ ժամանակ է, որ Յայրիկը այդ վանքի վանահայրն է, – հարցրեց Ասլանը:

– Շատ ժամանակ չէ, – պատասխանեց արեղան, – բայց այդ փոքր ժամանակում նա այնքան գործ կտարեց, որ մի ուրիշը որքան եւ մեծ ջանք ու եռանդ ունենար, հազիւ թէ տասն, քսան տարիների ընթացքում կարող կը լինէր կատարել:

Երիտասարդ արեղան Յայրիկի աշակերտներից էր: Ես իսկոյն նկատեցի, եւ այնուհետեւ ինձ շատ անգամ էր պատահել նկատել, որ նրա աշակերտները նրա մասին խօսելիս՝ նրանց տիրում էր խորին ոգեւորութիւն, եւ նրանք մի առանձին պարծանքով էին յիշում այն մարդու անունը, որին այնքան սիրում էին, որին այնքան պատուում էին:

– Յայրիկից առաջ, – շարունակեց նա, – այդ վանքը համարեայ թէ ակերակ էր. ոչ դպրոց կար, ոչ՝ աշակերտ եւ ոչ՝ կանոնաւոր տնտեսութիւն: Նրա եկամուտները կողոպտուում էին թե՛ ներքին եւ թե՛ արտաքին աւազակներից: Վանքը պարտքերի ներքոյ խեղդուում էր: Մինչեւ անգամ ս. Նշանը գրաւ էր դրոճ թուրք վաշխառուների մօտ: Բայց Յայրիկը կեանք տոեց այդ վանքին: Բոլորը, ինչ որ տեսաք եւ ինչ որ պիտի տեսնէք, նրա աշխատութեան պտուղն է: Բայց փոխարէնը, ինչ որ ստացաւ նա եւ ինչ որ ստանում է, – միշտ եղել է ատելութիւն, հալածանք եւ դաւադրութիւն իր խաւարասեր թշնամիների կողմից...

Վերջին խօսքը արտասանելու միջոցին երիտասարդի ձայնը դողաց: Նա պատմեց մի ցաւալի անցք, որ պատահել էր հենց նոյն օրերում: Յայրիկը Վարազայ վանքից, որպէս նրա սովորութիւնն էր, միայնակ, ոտքով Վան քաղաքը գնալու ժամանակ, ճանապարհին հանդիպում է նրան մի քուր: Երբ Յայրիկը իր արծո՛ի հայեացքով նայում է նրա երեսին, աւազակը շփոթւում է, նրա ձեռքերը սկսում են դողալ:

– Ինչո՞ւ շփոթեցար, բարեկամ, – հարցնում է Յայրիկը իր սովորական մեղմ ժպիտով: